



LAPORAN LIPUTAN MEDIA HARIAN
JUMAAT 4 JULAI 2025

BIL	TAJUK KERATAN AKHBAR	KEMENTERIAN / JABATAN / AGENSI
1.	KONVENSYEN PERKASA POTENSI, KAPASITI EKONOMI WANITA SELANGOR, WANITA, KOSMO- 20	INSTITUT PENYELIDIKAN DAN KEMAJUAN MALAYSIA (MARDI)
2.	KONVENSYEN PERKASA POTENSI, KAPASITI EKONOMI WANITA SELANGOR, WANITA, KOSMO- 21	

UKK KPKM

UNIT KOMUNIKASI KORPORAT
KEMENTERIAN PERTANIAN DAN KETERJAMINAN MAKANAN
(UNTUK EDARAN DALAMAN KPKM, JABATAN DAN AGENSI SAHAJA)

Konvensyen perkasa potensi, kapasiti ek



TENGKU NURASHIKIN berkenan menerima cenderamata daripada usahawan wanita yang menyertai konvensyen berlangsung di SACC, Shah Alam baru-baru ini.

SALAH seorang usahawan reruai yang menjual tanaman hiasan.



DALAM usaha memperkukuh komitmen terhadap pemberdayaan wanita, kerajaan negeri Selangor telah menganjurkan Konvensyen Wanita Selangor 2025 buat julung kalinya. Konvensyen tersebut digerakkan oleh Jawatankuasa Tetap Pemberdayaan Wanita dan Keluarga, Kebajikan Masyarakat dan Ekonomi Penjagaan.

Antara peserta yang hadir termasuk wanita tidak bekerja, suri rumah, graduan, usahawan wanita baharu dan pelajar sekolah menengah.

Ia turut dihadiri golongan wanita profesional, pembuat dasar, pemimpin industri dan ahli akademik.

Exco Pembangunan Wanita dan Kebajikan Masyarakat Negeri Selangor, Anfaal Shaari berkata, konvensyen ini bermatlamat memperkasa potensi serta meningkatkan kapasiti ekonomi wanita di negeri ini.

"Konvensyen ini bertujuan meningkatkan penyertaan wanita dalam pasaran kerja dengan memberi fokus kepada penghapusan halangan sistemik, penyediaan latihan dan

Citranita

Oleh SAIRUL ZAMRI MISRANI

bimbingan kerjaya serta menggalakkan dasar pekerjaan yang anjal dan mesra keluarga," katanya.

Konvensyen yang dihadiri lebih 1,000 wanita itu diadakan baru-baru ini bertempat di Pusat Konvensyen Shah Alam (SACC), Shah Alam, Selangor.

Acara itu turut mendapat kerjasama Kementerian Sumber Manusia, Pertubuhan Keselamatan Sosial dan 13 rakan strategik termasuk agensi kerajaan serta sektor swasta.

Cukup bermakna apabila majlis perasmian Konvensyen Wanita Selangor 2025 itu perkenan disempurnakan oleh Tengku Permaisuri Selangor, Tengku Permaisuri Norashikin Abdul Rahman.

Baginda turut berkenan menyaksikan pemeteraian memorandum persefahaman (MoU) antara Wanita Berdaya Selangor (WBS) dan Mardi Corporation Sdn Bhd serta Kiddicare Malaysia.

Tengku Permaisuri Selangor turut berkenan mengunjungi reruai di Ekspo Hasil Suri Selangor (HaSSel) yang mempamerkan produk komuniti wanita daripada pelbagai latar belakang.

Menurut Anfaal, konvensyen tersebut merangkumi empat komponen utama. "Komponen pertama adalah Konvensyen Kerjaya Wanita yang membincangkan keperluan dan cabaran wanita dalam pasaran kerja semasa.

Seterusnya adalah Pitching Usahanita Digital yang menyokong penyertaan aktif wanita dalam bidang ekonomi digital.

"Komponen ketiga adalah HaSSel, bertujuan mempromosi produk komuniti wanita termasuk suri rumah, ibu tunggal dan usahawan mikro.

"Terakhir adalah Sesi Townhall GenZ yang bermatlamat membina kesiapsiagaan wanita muda dalam sektor masa depan seperti Pendidikan Latihan Teknikal dan Vokasional (TVET)," katanya.

Jelasnya, melalui sesi townhall, bengkel praktikal, pitching dan pameran, peserta wanita diberi ruang untuk meneroka peluang ekonomi baharu.

"Tidak setakat itu, peserta berpeluang membina kemahiran dan jaringan yang



GELAGAT dan ragam usahawan wanita yang me

TARIKH	MEDIA	RUANGAN	MUKA SURAT
4/7/2025	KOSMO	WANITA	21

Ekonomi wanita Selangor



TENGGU NURASHIKIN turut berkenan menyaksikan pemeteraian MoU antara WBS bersama Mardi dan Kiddocare Malaysia pada Konvensyen Wanita Selangor 2025.

relevan untuk masa depan," katanya lagi.

Jelas Anfaal, konvensyen itu selari dengan Matlamat Pertama Dasar dan Pelan Tindakan Wanita Selangor 2024–2026.

Matlamatnya adalah untuk meningkatkan keupayaan wanita Selangor dalam sektor sosioekonomi, sejajar dengan aspirasi negeri ke arah pembangunan yang inklusif dan lestari.



Penyertal Konvensyen Wanita Selangor.



USAHAWAN HaSSEL menunjukkan produk yang dijual kepada sekretariat program.